



Bosnia and Herzegovina  
Federation of Bosnia and Herzegovina

**CANTON SARAJEVO**  
Government

Broj: 02-04-32707-1/20  
Sarajevo, 27.08.2020. godine

**Zastupnicima Skupštine Kantona Sarajevo**

**PREDMET:** Stavovi na amandmane zastupnika u Skupštini Kantona Sarajevo Damira Marjanovića na Prijedlog Zakona o izmjenama i dopunama Zakona o visokom obrazovanju

Na **55. vanrednoj** sjednici Vlade Kantona Sarajevo održanoj **27.08.2020.** godine, a u funkciji pripreme **27.** Radne sjednice Skupštine Kantona Sarajevo, razmatrani su amandmani zastupnika u Skupštini Kantona Sarajevo Damira Marjanovića po materijalu koji se nalazi na dnevnom redu navedene sjednice, i to:

1. Amandmani zastupnika Damira Marjanovića u Skupštini Kantona na Prijedlog Zakona o izmjenama i dopunama Zakona o visokom obrazovanju

Nakon razmatranja amandmana zastupnika u Skupštini Kantona Sarajevo, Vlada Kantona Sarajevo zauzela je sljedeće

**S T A V O V E**

**1. DAMIR MARJANOVIĆ ZASTUPNIK U SKUPŠTINI KANTONA SARAJEVO**

**1.1. Na Prijedlog Zakona o izmjenama i dopunama Zakona o visokom obrazovanju, podnosi sljedeće:**

**AMANDMAN I**

Član 53. stav 2 Zakona o visokom obrazovanju ("Službene novine KS" "33/17") se mijena i glasi:

(2) Visokoškolska ustanova obavezna je u svakom semestru organizirati nastavu za vanredne studente i studente koji studiraju učenjem na daljinu i o tome voditi urednu evidenciju, a što se detaljnije reguliše pravilima studiranja visokoškolske ustanove za odgovarajući ciklus studija.

**AMANDMAN II**

Član 59. stav 1 Zakona o visokom obrazovanju ("Službene novine KS" "33/17") se mijena i glasi:

(1) Kada se nastava odnosno pojedini oblici nastave organiziraju u formi "učenja na daljinu" ispiti se u pravilu održavaju u prostorijama visokoškolske ustanove/organizacione jedinice.

**AMANDMAN III**

Član 66. stav 1 Zakona o visokom obrazovanju ("Službene novine KS" "33/17") se mijena i glasi:

Student ima pravo prenijeti u narednu godinu studija unutar jednog ciklusa studija najviše 15 ECTS studijskih bodova ili najviše tri nepoložena predmeta bez obzira na vrednovanje, pod uslovom da nepoloženi predmet koji se prenosi u narednu studijsku godinu nije preduslov za slušanje predmeta u toj studijskoj godini.

## **Obrazloženje:**

Predloženi amandmani na Zakon o visokom obrazovanju u potpunosti se uklapaju u intenciju Prijedloga zakona o izmjenama i dopunama Zakona o visokom obrazovanju. Naime, ako se ne realiziraju izmjene navdenih članova u narednoj školskoj godini neće biti moguće realizirati znatan dio nastave na svim univerzitetima u KS, a i student koji su slušali zadnji semestar u specifičnim uvjetima biti će otežano studiranje i nastavak studija.

## **Stav predlagača:**

Amandmani se ne prihvataju.

## **O b r a z l o ž e n j e**

Članom 151. Poslovnika o radu Skupštine Kantona Sarajevo („Službene novine Kantona Sarajevo“ – Drugi novi prečišćeni tekst, broj: 41/12, 15/13, 47/13, 47/15, 48/16, 9/20 i 14/20) (u daljem tekstu: Poslovnik) utvrđeno je da se *“prijedlog za izmjenu i dopunu prijedloga zakona podnosi u obliku amandmana”*. Nadalje, Zaključkom Vlade Kantona Sarajevo, broj: 02-04-26253-3/20 od 23.07.2020. godine utvrđen je Prijedlog Zakona o izmjenama Zakona o visokom obrazovanju, objavljenog u “Službenim novinama Kantona Sarajevo”, broj: 33/17, odnosno konkretno izmjene člana 180. stav (7) i (16), po hitnom postupku.

Imajući u vidu predložene izmjene, odnosno da se iste odnose isključivo na član 180. stav (7) i (16) Zakona, a da je zastupnik Damir Marjanović podnio tri amandmana na član 53. stav (2)., član 59 stav (1) i člana 66. stav (1) Zakona, te uvažavajući odredbu člana 151. Poslovnika (prednje citiranog) kao i člana 163. Poslovnika koji je trebao biti formalni osnov za podnošenje amandmana, s obzirom da se konkretne izmjene Zakona predlažu po hitnom postupku, Vlada Kantona Sarajevo nije prihvatila podnesene amandmane, jer isti, iz prednje iznesenog nisu podneseni na tekst Prijedloga Zakona o izmjenama Zakona, a koji je dostavljen Skupštini Kantona Sarajevo na razmatranje i odlučivanje.

**P R E M I J E R**

**Mario Nenadić**

## **Dostaviti:**

1. Predsjedavajući Skupštine Kantona Sarajevo,
2. Zamjenici predsjedavajućeg Skupštine Kantona Sarajevo (3x),
3. Skupština Kantona Sarajevo,
4. Sekretar Skupštine Kantona Sarajevo,
5. Premijer Kantona Sarajevo,
6. Evidencija,
7. A r h i v a.



web: <http://vlada.ks.gov.ba>  
e-mail: [vlada@vlada.ks.gov.ba](mailto:vlada@vlada.ks.gov.ba)  
Tel: + 387(0)33 562-068, 562-070  
Fax: + 387(0)33 562-211  
Sarajevo, Reisa Džemaludina Čauševića 1

